

難也前者令吏曹書啓殘弊州郡而自上特差則物議如是今後依前
例自銓曹擇差不必書啓之意言之可也○大司諫南孝義執義趙宗
敬掌令金鐸沈光彥持平黃憲柳世麟獻納金馮正言金亶祭無斃啓
曰今見弘文館上疏以為談事者擬跡而投足持論者卷舌而同聲無
讜直之氣有巧詐之風此專指臺諫而言之也臣等不能盡其職任在
職未安故敢辭傳曰弘文館非以臺諫為非而言之也泛然言之勿辭
孝義宗敬等再啓曰疏中上論師儒之不擇而下所言如是非泛論也
師儒果有不合之人而兩司未及啓之至為非矣決不可在職請速斷
傳曰弘文館若以臺諫為非則必以師儒有不合者而臺諫不啓云也
今不攻擊而泛然言之其勿辭○三更乾方有氣如火○丙辰傳于政
院曰予觀玉堂之疏其曰學校風化之源失鼓舞振作之機此言至當
予以為拘繫於尋常例事則何能興起乎必有鼓舞振作之方予未知
其要欲為特舉則亦有物論設去冬上欲為在館學儒生
設別舉而大臣皆以為不可勸學節目非
不詳盡而師儒之擇不擇在於銓曹彼云專治術數之人諂附權奸之
老子未詳知其某人也如有如此之人銓曹須速改正務選治經術有
文學可以教導之士俾授師儒之職言于政廳可也○大司諫南孝義